

A grossa Hitz

35 G R A D im Schatt'n

Du, des is fei nex zu m Lach'n
des it scho a arga Hitz
alles an d'r babt und schwitzt.
Von dein Koupf rinnt's Wass'r ro
a am Buck'l rieselt's no.

Wie d'rlächert bist Du fei
und Du schütt's ets in d'r nei
alles wos't zum Sauf'n findest;
doch dörch olla Por'n es rinnt
widder aus dein Kerper naus.

Du verkrechst di in dein Haus,
stöhnst und schwitzt - und bist sou matt
und dei Bee, dia henga platt
wia zwää Batz'n Blei am Bauch.
Ausgadörret, grad wi a Schlauch
der lang in d'r Sunna hengt,
senn dei Darmer, und Du denkst
it dia Hitz nit bal verbei
dörr i wia a Hutzel ei.

35 G R A D im Schatt'n

it wos fer die Wasserratt'n.

A Laam it da im Wasser drinn
Männli, Weibli kannst da finn.
Dörrea, Dicka - Fläsch - Beschau
kannst nit deinera Aag'n trau.
Alles wimmelt, alles zapp'lt
alles in denn Wass'r krabbelt -
A Vergnüg'n sell des sei
in denn Dunst und bei denn G'schrei
in denn Gawog von lauter Bäuch,
und warm it's Wasser, sog i Euch -
des it a Qual, des it a Hitz
in dera Brüah, tust nu mähr schwitz.

35 G R A D im Schatt'n
was it d'rgäiger scho zu mach'n ?
Da helft kee Bier, da helft kee Wei -
Hock di in deina Wanna nei
und dräh denn Wasserhahna auf
ets kannst di bood - kannst a sauf.
Da wärscht dann widd'r frisch und munter
d'r Schwäß und G'stänk gäht von d'r runter.
Du bist allee, keen's guckt d'r zua,
vor alla Mensch'n hast dei Ruah.
Dei Bauch, dei Bee, keen's guckt d'r nou.
Dia Sauhitz helt nit ewig ou.
Käm a Gawitt'r in d'r Nacht
des hätt uns Kühlung gleich gbracht
dann hätt'mer widd'r Labesmut
und's Franka - Wei'la schmeckt dann guat.

